

Na osnovu Zakona o radu Federacije Bosne i Hercegovine ("Službene novine Federacije BiH", broj: 26/16, 89/18, 44/22 i 39/24), Uredbe o postupku prijema u radni odnos u javnom sektoru u srednjobosanskom kantonu ("Službene novine SBK", broj: 7/19), Zakona o pravima branioca i članova njihovih porodica Federacije BiH ("Službene novine Federacije BiH", br. 33/2004, 56/2005, 44/2005 - odluka US, 70/2007, 9/2010, 95/2013 - odluka Ustavnog suda, 90/2017, 29/2022, 60/24 i 6/2026), Zakona o zabrani diskriminacije BiH ("Službeni glasnik BiH", br. 59/09 i 66/16), člana 58. Statuta Javnog komunalnog preduzeća "Radovina" društvo sa ograničenom odgovornošću, Gornji Vakuf-Uskoplje, broj: 01-02.11-111/12 od 08.05.2012. godine i izmjene Statuta broj: 01-1.1.-163/1/20 od 23.04.2020. godine, Izmjene Statuta broj: 01-02.1-160/23 od 24.05.2023. godine i izmjene i dopune Statuta broj: 01-02.1-359/3/23 od 23.11.2023. godine i izmjene Statuta broj: 01-02.1-74/25 od 05.02.2025. godine, Pravilnika o radu broj: 03-02.2-76/24 od 13.02.2024. godine i Pravilnika o unutrašnjoj organizaciji i sistematizaciji radnih mjesta broj: 03-02.2-76/1/24 od 13.02.2024. godine, VD direktora Javnog komunalnog preduzeća "Radovina" društvo sa ograničenom odgovornošću, Gornji Vakuf-Uskoplje, objavljuje

JAVNI OGLAS

za prijem radnika u radni odnos na određeno vrijeme u trajanju od dvanaest (12) mjeseci

Javno komunalno preduzeće "Radovina" d.o.o. Gornji Vakuf-Uskoplje, sa sjedištem u ulici Mehmed-bega Stočanina b.b., općina Gornji Vakuf-Uskoplje, vrši prijem u radni odnos na određeno vrijeme u trajanju od dvanaest (12) mjeseci, ukupno osam (8) radnika na sljedeće pozicije:

I – NAZIV RADNOG MJESTA

Pozicija 1. – Radnik na odvozu komunalnog otpada – tri (3) izvršioca sa probnim radom od tri (3) mjeseca.

Pozicija 2. – Radnik na održavanju cesta – jedan (1) izvršilac sa probnim radom od tri (3) mjeseca.

Pozicija 3. – Radnika na održavanju javne higijene i zelenih površina – jedan (1) izvršilac sa probnim radom od tri (3) mjeseca.

Pozicija 4. – Rukovalac građevinske mehanizacije – jedan (1) izvršilac sa probnim radom od tri (3) mjeseca.

Pozicija 5. – Inkasant parkinga – jedan (1) izvršilac sa probnim radom od tri (3) mjeseca.

Pozicija 6. – Radnik na održavanju objekta – jedan (1) sa probnim radom od tri (3) mjeseca.

Kandidat koji se prijavljuje na navedene pozicije treba ispunjavati opće uslove i to:

- da je državljanin Bosne i Hercegovine,
- da ima najmanje 18 godina,
- da ima opću zdravstvenu sposobnost za obavljanje poslova radnog mjesta za koje se prijavljuje;

II – OPIS POSLOVA RADNOG MJESTA I USLOVI ZA VRŠENJE POSLOVA

Pozicija 1. – Radnik na odvozu komunalnog otpada – tri (3) izvršioca sa probnim radom od tri (3) mjeseca.

Opis poslova:

- Vršiti poslove istovara posuda za smeće u auto smećar ili drugo sredstvo namijenjeno toj svrsi;
- učestvuje u deponovanju – odlaganju smeća;
- dužan je da pažljivo rukuje sa posudama za smeće tako da se smeće ne rasipa i ne prlja okolinu kao i da se posude za smeće ne oštećuju, nakon pražnjenja posude za smeće dužan je da istu vrati na mjesto;
- smeće rasuto prilikom odlaganja dužan je za sobom očistiti;
- nije dozvoljeno bilo kakvo prebiranje i prekopavanje smeća;
- učestvuje u poslovima održavanja, čišćenja i pranja motornog vozila;
- obavezan je pridržavati se propisa o primjeni HTZ opreme i mjera zaštite na radu;

Zahtjevane vještine i kompetencije:

- Odgovornost, fleksibilnost, energičnost, posvećenost poslu.

Pozicija 2. – Radnik na održavanju cesta – jedan (1) izvršilac sa probnim radom od tri (3) mjeseca.

Opis poslova:

- redovno vrši popravke kolovoza, uklanjanja odronjenog materijala, održava bankine;
- obavlja košenje trave i održavanje zelenih površina i zasada u cestovnom pojasu;
- održavanje potrebne preglednosti cesta i oznaka u cestovnom pojasu;
- čišćenje snijega i leda sa kolovoza, i posipanje kolovoza s ciljem sprječavanja poledice i osiguranja prohodnosti;

Kandidat treba ispunjavati i sljedeće posebne uslove:

- NK (Nekvalificirani radnik) - Osnovna škola;

Pozicija 3. – Radnika na održavanju javne higijene i zelenih površina – jedan (1) izvršilac sa probnim radom od tri (3) mjeseca.

Opis poslova:

- prema utvrđenom rasporedu i terminima održava javnu higijenu i zelene površine (prikupljanje, odvoz i deponovanje otpadaka, čišćenje i pranje javnih površina, održavanje zelenih površina, uređenje javnih saobraćajnica, gradskih parkirališta, uklanjanje snijega i sprečavanje poledice na javnim površinama);
- vodi evidenciju rasporeda čišćenja, iznosi potrebe za sredstvima i priborom za rad;
- odgovoran je za zadužena materijalno-finansijska sredstva, te blagovremeno, kvalitetno i ažurno obavljanje povjerenih mu poslova i zadataka.

Kandidat treba ispunjavati i sljedeće posebne uslove:

- NK/PKV (Nekvalificirani radnik/Polukvalificirani radnik) - Osnovno obrazovanje/Osnovna škola i stručna osposobljenost;

Pozicija 4. – Rukovalac građevinske mehanizacije – jedan (1) izvršilac sa probnim radom od tri (3) mjeseca.

Opis poslova:

- rukovodi mašinama i mehanizacijom namjenjenoj svrhi građevine, njima izvršava kopačke radove i transportuje određene količine zemljišta;
- obučen je za probijanje tunela kao i za podršku prilikom građenja;
- dio njegovog posla je da vodi računa o ispravnosti mehanizacije i obavlja redovno tehnički pregled.

Kandidat treba ispunjavati i sljedeće posebne uslove:

- KV (Kvalificirani radnik III. stepen) - srednjoškolsko obrazovanja,
- Vozačka dozvola B/C kategorije.

Pozicija 5. – Inkasant parkinga – jedan (1) izvršilac sa probnim radom od tri (3) mjeseca.

Opis poslova:

- vrši pružanje informacija oko plaćanja parkinga i slobodnih mjesta,
- naplaćuje parking i vrši evidenciju parkiranih vozila, (da li su propisno parkirani, vodi evidenciju o mjestima posebno ocrtanim i namjenjenim određenim kategorijama,
- vodi evidencije o rezervacijama parking mjesta,
- kontinuirano podnosi izvještaje o naplati knjigovođi,
- brine o čistoći parkirališta i ispravnosti određenih uređaja (aparata za izdavanje parking karti, rampe i dr.)

Kandidat treba ispunjavati i sljedeće posebne uslove:

- KV (Kvalificirani radnik III. stepen) - srednjoškolsko obrazovanje društveno/tehničkog smjera,
- Poznavanje rada na računaru,

Pozicija 6. – Radnik na održavanju objekta – jedan (1) sa probnim radom od tri (3) mjeseca.

Opis poslova:

- redovno vrši kontrolu ispravnosti, preventivno održavanje i osigurava funkcionisanje svih elektro uređaja;
- provjerava i brine o ispravnosti rada kotlovskih postrojenja, klima uređaja, sigurnosne opreme;
- vrši manje intervencije na instalacijama, na instalacijama koje nije u mogućnosti popraviti prati rad angažovanih saradnika na otklanjanju kvara;
- pridržava se važećih propisa zaštite na radu i zaštite od požara, te iste primjenjuje u potpunosti;
- provodi mjere sigurnosti radi zaštite imovine, objekata, zaposlenih i drugih posjetilaca;
- provodi mjere održavanja vanjskog dijela objekta.

Kandidat treba ispunjavati i sljedeće posebne uslove:

- NK (Nekvalificirani radnik) - Osnovna škola

III – PRIJAVLJIVANJE NA JAVNI OGLAS

U svrhu dokazivanja ispunjavanja uslova Javnog oglasa, kandidat je uz prijavu na Javni oglas na obrascu koji je prilog Javnog oglasa (prijavni obrazac), dužan dostaviti slijedeću dokumentaciju (original ili ovjerena kopija, s tim da ovjera ne smije biti starija od šest mjeseci od dana isteka roka za prijavu na Javni oglas), prema pozicijama kako slijedi:

Pozicija 1.

- Uvjerenje o državljanstvu (datum izdavanja ne stariji od šest mjeseci od dana objave Javnog oglasa),
- Uvjerenje o mjestu prebivališta – CIPS (datum izdavanja ne stariji od šest mjeseci od dana objave Javnog oglasa),

Pozicija 2., 3., i 6.

- Uvjerenje o državljanstvu (datum izdavanja ne stariji od šest mjeseci od dana objave Javnog oglasa),
- Uvjerenje o mjestu prebivališta – CIPS (datum izdavanja ne stariji od šest mjeseci od dana objave Javnog oglasa),
- Dokaz o završenom obrazovanju,

Pozicija 4.

- Uvjerenje o državljanstvu (datum izdavanja ne stariji od šest mjeseci od dana objave Javnog oglasa),
- Uvjerenje o mjestu prebivališta – CIPS (datum izdavanja ne stariji od šest mjeseci od dana objave Javnog oglasa),
- Dokaz o završenom obrazovanju,
- Vozačka dozvola B/C kategorije.

Pozicija 5.

- Uvjerenje o državljanstvu (datum izdavanja ne stariji od šest mjeseci od dana objave Javnog oglasa),
- Uvjerenje o mjestu prebivališta – CIPS (datum izdavanja ne stariji od šest mjeseci od dana objave Javnog oglasa),
- Dokaz o završenom obrazovanju,
- Dokaz o poznavanju rada na računaru – dostaviti jedno od navedenog:
 - Certifikat o završenom kursu informatike/rada na računaru: (npr. kurs za MS Office, osnovnu informatiku, ECDL i sl.);
 - Diploma ili svjedočanstvo škole, ako je u toku školovanja kandidat imao predmet informatika/informacione tehnologije;
 - Uvjerenje ili potvrda obrazovne ustanove da je kandidat završio obuku iz rada na računaru;
 - Certifikat sa seminara ili obuke (npr. obuka za Word, Excel, internet i slično)

NAPOMENA ZA KANDIDATE:

Kandidati koji ne dostave naprijed traženu dokumentaciju isključuju se iz oglasne procedure, te će biti izvršen odabir drugog kandidata sa liste uspješnih kandidata.

Kandidati uz prijavu na Javni oglas mogu dostaviti i **dopunsku dokumentaciju**, koja nije obavezna, ali je relevantna prilikom ocjenjivanja i bodovanja kandidata. Dopunska

dokumentacija služi kao dodatni dokaz o statusu kandidata, radnom iskustvu ili ostvarivanju određenih prava u skladu sa važećim propisima. U tom smislu, kandidati mogu priložiti sljedeće dokumente:

- Radno iskustvo na istim ili sličnim poslovima,
- Potvrda službe za zapošljavanje da se kandidat nalazi na evidenciji nezaposlenih lica u momentu objave Javnog oglasa,
- Potvrda/Uvjerenje kandidata koji imaju prednost pri zapošljavanju, shodno posebnim zakonima.
- Kućna lista izdata od strane nadležnog organa;
- Potvrda o statusu učenika i studenta izdata od strane obrazovne institucije;

Dostavljanje navedene dopunske dokumentacije omogućava komisiji potpuniji uvid u status i kvalifikacije kandidata tokom postupka selekcije.

Izabrani kandidati dužni su dostaviti Uvjerenje o općoj zdravstvenoj i psihofizičkoj sposobnosti za obavljanje poslova radnog mjesta i Uvjerenje o nekažnjavanju, nakon Odluke o prijemu u radni odnos, a prije potpisivanja Ugovora o radu.

Sa kandidatima koji ispunjavaju uslove Javnog oglasa Komisija će obaviti:

- **Praktični dio ispita** – obavlja se samo sa kandidatima za radno mjesto pod pozicijom broj: 4.
- **Pismeni dio ispita (test znanja)** – obavlja se samo sa kandidatima za radno mjesto pod pozicijom broj: 5.
- **Usmeni dio ispita (intervju)** – obavlja se sa kandidatima za radna mjesta pod pozicijama broj: 1., 2., 3., 4., 5. i 6.

Za kandidata koji u zakazano vrijeme ne pristupi usmenom ispitu (intervju), praktičnom ispitu i pismenom dijelu ispita, smatrat će se da je odustao od prijave na Javni oglas.

Cilj ispita je provjera da li kandidat raspolaže osnovnim znanjima o organizaciji i radu Javnog preduzeća "Radovina" d.o.o. Gornji Vakuf-Uskoplje, te općim znanjima i vještinama koje su potrebne za obavljanje poslova na radnom mjestu za koje se kandidat prijavio.

Nakon obavljenog usmenog ispita (intervjua) i pismenog ispita, Komisija će dostaviti vršiocu dužnosti direktora preduzeća zapisnik (izvještaj) o provedenom postupku uz liste uspješnih kandidata.

V – ROK ZA PODNOŠENJE PRIJAVA

Javni oglas (skraćena verzija) se objavljuje u dnevnim novinama koje se distributiraju na teritoriji srednjobosanskog kantona, na svojoj vlastitoj facebook stranici, oglasnoj tabli predzeća i web stranici općine Gornji Vakuf-Uskoplje.

Javni oglas će biti dostavljen i Službi za zapošljavanje Srednjobosanskog kantona koja će izvršiti objavu oglasa putem svoje web stranice i isti dostaviti svojim poslovnicama.

Rok za podnošenje prijave na Javni oglas je 8 (osam) dana od dana njegove posljednje objave u navedenim sredstvima javnog informisanja.

VI – ADRESA ZA PODNOŠENJE PRIJAVA

Popunjeni obrazac prijave, zajedno sa dokazima o ispunjavanju uslova, kandidati su dužni dostaviti u zatvorenoj koverti sa naznakom **"NE OTVARAJ – PRIJAVA NA JAVNI OGLAS"** neposredno ili preporučeno na adresu:

Javno komunalno preduzeće "Radovina" d.o.o. Gornji Vakuf-Uskoplje
Mehmed-bega Stočanina b.b.
70240 Gornji Vakuf

VII – IZBOR KANDIDATA

Komisija za izbor će u roku od pet (5) dana nakon isteka roka za podnošenje prijave, sačiniti rang listu kandidata prijavljenih na konkurs koji ispunjavaju tražene uslove i listu kandidata koji ne ispunjavaju tražene uslove, objaviti ih na oglasnoj tabli preduzeća i dostaviti vršiocu direktora preduzeća.

Prilikom izbora kandidata lice koje se prijavi na konkurs neće biti stavljeno od strane preduzeća u nepovoljniji položaj zbog rase, boje kože, pola, jezika, vjere, političkog ili drugog mišljenja, nacionalnog ili socijalnog porijekla, imovnog stanja, članstva ili nečlanstva u političkoj stranci ili članstva ili nečlanstva u sindikatu.

Vršioc direktora preduzeća će sa osam (8) kandidata sa rang liste koji ispunjavaju uslove Javnog oglasa zaključiti ugovor o radu na određeno vrijeme u trajanju od 12 mjeseci uz probni rad od tri (3) mjeseca.

Pozvani kandidat na razgovor radi zaključenja ugovora o zasnivanju radnog odnosa, obavezan je dostaviti ljekarsko uvjerenje o općoj zdravstvenoj sposobnosti i uvjerenje o nevođenju krivičnog postupka.

Kandidati sa rang liste koji ne ispunjavaju tražene uslove i kandidati sa rang liste koji ispunjavaju uslove Javnog oglasa sa kojima se ne stupi u kontakt u roku od šest (6) mjeseci, smatrat će se da nisu ušli u uži izbor i mogu zatražiti zaštitu svojih prava pred nadležnim sudom.

VIII – PRAVNA POUKA

Nezadovoljni kandidat ima pravo podnijeti prigovor direktoru društva u roku od petnaest (15) dana od prijema:

- a) zaključka o odbacivanju prijave, ili
- b) obavijesti o izboru kandidata.

Nakon donošenja konačne odluke, kandidat ima pravo sudske zaštite pred nadležnim sudom u skladu sa Zakonom o radu FBiH.

NAPOMENA: Nepotpisane, neblagovremene, nepotpune i neuredne prijave neće se uzeti u razmatranje.

Broj: 03-08.2-262/26

Datum: 10.03.2026. godina



VD DIREKTORA

[Signature]
Sulejman Abazović, mag.sig.st)